

在家必讀內典敘

戴子季陶謂予曰。中國四萬萬人。信仰佛教者不下三萬萬。夫以三萬萬人之習慣風俗。委而棄之不理。奚可也。中國民族。獯狁匈奴。氐羯鮮卑。滿蒙回藏。不下數十異種。仗佛教力數千年來。融於一統者。委而棄之不理。奚可也。教久弊深。不速改革。諸方牽掣。沮治滋多。然玄妙高深。但可以語上。淺近切實。始適當中流。予能抉擇十餘經刊而敘之。爲在家必讀者乎。予曰。時其太平哉。天將啟明大士化弘。夫化之不弘也久矣。豈唯佛法。中國古先哲人文武之道。何一而

非墜地耶。東海有聖人焉。此心同此理同也。西海有聖人焉。此心同此理同也。此心此理我固有之。聖不能有所加。愚不能有所損也。心一而已。發之於父則謂之孝。發之於子則謂之慈。發之於夫婦則謂之順。發之於眾。生則謂之仁。發之於善。知識則謂之敬。發之於事。有所知能。抉擇則謂之智。發之於行。能增上有究竟。則謂之道。但聽命而行。無所處而不當。但取懷而予。有何欠而不圓。悲夫。國人日棄大寶而瓦礫是資也。大士化行時。其太平哉。抉父母恩難報。經忍穢千年。不足云報。教趨安隱。有信戒聞。施慧乃稱其

恩。抉報恩經。孝養品。波羅奈邊王。避難絕糧。子須闍提。割肉濟窘。復刮餘殘。速父前行。時已躡地。蚊復咬之。猶復忍楚。誓願濟父母。急拔眾生苦。此此心此理。發之於父。則謂之孝也。抉字經。字性仁賢。王用之而國治。四臣夫人。讒而棄之。民乃疲於虐政。王行國中。悟而復孝。罷四臣。國如初。古者天子有師。三公論道。咨政而行。而天下平。子無樂乎為君。唯其言而莫予違。豔妻煽於內。佞臣踞於外。而天下危矣。為民上者。儻於此經。三致意焉。此此心此理。發之於善。知識則謂之敬也。抉演道俗業經。在家有三財。下守中事。蓄

上則供養哲人。俾施教於四方。人民蒙度。出家有三品。一乘私而不徹。菩薩則爲人度。梵功成而一無所希。扶善生經博戲。非時飲酒。惡友伎樂。懶惰。有一於此。則作事不營功業。不成財。不得而猶失。是之爲以六非道求財。父子師弟夫婦之道。親友主僕及與施主沙門之道。是之爲聖教中六方。應日作禮。此此心此理發之於事。有所知能。抉擇則謂之智也。抉十善業道經。佛勸龍王修十善道。一切法滅十善不滅。十善所生一切法生。是五乘根本。亦一切戒本。因果皆利。以法莊嚴。速至菩提。扶優婆塞戒經受戒品。父母

妻奴國王皆許。始可受戒。戒師一一詳詢。無根本罪。了了明示。持犯所關。更復反覆丁寧。多方告誡。然後授以三歸。授以六重四十八輕戒。此此心此理發之於行。能增上有究竟。則謂之道也。上來七經在家男子所必讀也。扶鹿母經。鹿妊始產。螢倖墮。悲乞撫子。還來就死。遂釋之去。吟詠悲喜。教子水草。舉而就於獵師。國人咸感。乃廢殺獵。此此心此理發之於子。則謂之慈也。扶銀色女經。產婦飢裂。將噉其子。銀色女割乳合食。當爾之時。大悲所驅。無悔無異。乃轉男子。十善治國。轉輾捨身。施禽餉虎。此此心此理發之

於眾生則謂之仁也。挾玉耶女經。給孤獨子娶婦。婦大僑慢。佛化其家。作水精色。毛豎而出禮。佛說女身有十惡。事夫有十善。三惡爲婦。有七輩。玉耶受化。願作婢婦。此此心。此理發之於夫婦。則謂之順也。挾法志妻經。法志妻豪勢。捶毒奴婢。佛言。六度四梵。而得相好。以教奴婢。勝於搥杖。富貴須臾。應以信戒定慧。瓔珞其身。應以大乘莊嚴其心。法志妻悟。發無上菩提心。挾七女經。婆羅門女。端正無能疵。佛言。六根不貪。乃至信施寶有福。是則爲好。顏色身體衣服。實不爲好。古亦有七女塚。閒說無常。現身證羅漢。女聞大

悟。發無上菩提心。此此心。此理發之於事。有所知能。挾擇則謂之智也。挾月上女經。月上端正。豪族都求爲婦。許行國中。而自別擇。爾時無邊人眾。競逐唱言。我妻我妻。月上騰空持華。說偈。眾悟同詣佛。遂閒與舍利弗論義。既到佛所。又與文殊等論義。感佛現通。擲華供佛。十願十願。而得受記。轉男出家。挾優婆夷淨行法門經。佛以毗舍佉求法。往因爲說淨行十九事。爲說優婆夷法門十事。更說其餘名修行品。說菩薩五十法。而得菩提。得菩提已有光明相好。名修學品。說佛初生時瑞名瑞應品。此此心。此理發之於行。

能增上有究竟則謂之道也。上來七經在家女人所必讀也。嗚乎國之不競誠不如人。然此心此理所以爲國之基者猶在。但少精進奮發有爲苟能因其勢而導之善其道而用之安見匪強。魯自相忍齊自大風。枳橘殊土不可同也。豔人之長覆己之轍皮之不存毛將安傅也。禮讓之教既千餘年悲智之化復千餘年然後乃能父子有親鄉黨有義男女有別上下有序惕因果耐勞苦擾之至勤終自圖存道路橋梁不卹解囊此世界所希有而進化之易易者也被十四經而印之豈不然乎。吾故曰大士化弘時其太平

哉。戴子又言四十二章雖不可考然從諸典集錄而來文順義精足移人也。予曰然附後可也。

民國二十年七月歐陽漸敘於支那內學院